



Inatsisartunut ilaasortaq Jens-Frederik Nielsen, Demokraatit

**Uranimut inatsisip malitsigisaanik taarsiisoqarnissaanik piumasaqaateqartoqarsinnaanera pillugu § 37 naapertorlugu apeqquteqaat 048 2022**

01-03-2022  
Suliap nr. 2022 - 5389

Inatsisartut suleriaasianni § 37, imm. 1 naapertorlugu uranimut inatsisip malitsigisaanik taarsiinissamik piumasaqaateqartoqarsinnaanera pillugu apeqqutit matuma kingulianiittut Naalakkersuisunut saqqummiuppatit.

Postboks 930  
3900 Nuuk  
Tlf. (+299) 34 68 00  
Fax (+299) 43 02  
E-mail: an@nanoq.gl  
www.naalakkersuisut.gl

**UKA2021/23 (Uanisiortoqannginnissaanut) sammineqarnerani Naalakkersuisut Inuussutissarsiornermut Aatsitassanullu ataatsimiitsitaliamiit apeqquteqaatit akivaat, Naalakkersuisut nalilersimallugu, siunnersuut akuerineqarnerasigut inatsillu atuutilerinasigut taarsiivigitittoqarnissaa pinaviangitsoq.**

- 1. Naalakkersuisut immikkoortortaminni inatsisitigut nalilersuititsinikuunerlutik ilumut ernumanartoqarnersoq, uranisiortoqannginnissaanik siunnersuut akuerineqarnerasigut suliffeqarfiit Namminersorlutik Oqartussanut eqqartuussivimmud tunniussisinnaanerat?**

**Akissut:** Akuersaangilluinnarnissamik politikkeqarnerup akerlerineqarsinnaanerata inatsisitigut ajornartorsiorititsinissaanik pingaarnertigut nalilersuineq, Aatsitassanut Naalakkersuisoqarfiup 2021-mi upernaakkut aallartippaa, tassani ilaalluni taarsiinissamik piumasaqaateqarfigineqarnissamut periarfissaq. Suliap ingerlanerani eqqartuussissuserisut suliffeqarfianit avataaneersumit ikiortissarsiortoqarpoq. Taamaalilluni akuersaangilluinnarnissamut inatsisip taassumalu sunniutissaasa ataatsimoortumik suliarineqarnerannut tunngavissanik suliffiup iluani ataanilu inatsisilerinikkut nalilersuinerit pigineqarput. Takorluukkani arlalinni, Kalaallit Nunaanni aatsitassanik qinngornernik ulorianartunik akulinnik aatsitassarsiorluni misissuinerimut piaanermullu attuumassuteqartuni, inatsisitigut periarfissanut sunniutaasussanullu nalilersuinerit suliarineqarsimapput.

**a. Taamaattoqarpat paaserusuppara Namminersorlutik Oqartussani kina naliliisimanernit tunniussinersoq aammalu qanga tunniunneqarsimanersut.**

**Akissut:** Suliffiup iluani nalilersuinerit Aatsitassanut Naalakkersuisoqarfimmit suliarineqarput. Ingerlaannaq nalilersuineq 2021-mi martsimi naammassivoq. Avataaneersuniit ilanngussat Eqqartuussissuserisut suliffeqarfianit Poul

Schmidt-imit suliarineqarput. Taakkua avataaniit ilanngussassat, suliffiup iluani nalilersuinerup naammassereernerta kingorna piniarneqarput, aammalu ulloq 8. oktober 2021 naammassineqareersimallutik.

- 2. Naalackersuisut avataaniit inatsisitigut naliliisitsinikuunerlutik, ernumanartoqarnerisq, uranisiortoqannginnissaanik akuersineq suliffeqarfiit Namminersorlutik Oqartussanut eqqartuussivimmuut tunniussisinnaanerannik?**

**Akissut:**

Apeqqummut 1-imut aamma 1a-mut akissutit takukkit.

- a. Taamaattoqarpat paaserusuppara kina naliliisimanernik tunniussisimanersq aammalu?**

**Akissut:** Apeqqummut 1-imut aamma 1a-mut akissutit takukkit.

- b. Qanga tunniunneqarnerisut.**

**Akissut:** Apeqqummut 1-imut aamma 1a-mut akissutit takukkit.

**Sermitsiaq nr. 6/22 atuarneqarsinnaavoq Aatsitassanut naalackersuisoqarfik aammalu Greenland Minerals danskit kammaradvokatianni ataatsimiissimasut. Ataatsimiissimanermut tunngasut uku perusuppakka:**

- 3. Qanoq sivistigisumik ataatsimiittarsimappat?**

**Akissut:** Piffissami ulloq 15. december 2021 aallarnerfigalugu ullup 9. februar 2022 tungaanut ataatsimiinnerit pingasut ingerlanneqarput. Tamatuma saniatigut ataatsimiinnerik pilersaarusernermut tunngatillugu allakkatigut attaveqatigiittoqarpoq.

- 4. Naalackersuisut qanoq sivistigisumik ilisimasimavaat?**

**Akissut:** Naalackersuisutut aatsitassanut suliassaqarfimmuut akisussaasutut soorunami ataatsimiinnerit aammalu ataatsimiinnerit imarisai, siusissukku pilersaarusernerup ingerlaneraniit ilisimasimavakka. Ulloq 9. februar taamaallaat peqataavunga. Ingerlatseqatigiiffiup tungaaniit aammalu Naalackersuisut tungaanniit ataatsimiinnerit pillugit tamakkiisumik ammasuutitsisoqarpoq, aammalu ataatsimiinnerit tusagassiuutini eqqartorneqartarput.

**5. Ataatsimiittarnerit sumit tunngaveqarpat?**

**Akissut:** Greenland Minerals-ip akuersaanngilluinnarnissamut inatsisip ilusilersugaanerani paasissutissinnissaa aammalu uranimut inatsisip akuerineqareernerani ingerlatseqatigiiffiup periarfissaannik Greenland Minerals-ip ilitersornissaa, ulloq 15. december aamma 7. februar ataatsimiinnerni siunertaavoq. Tamatuma saniatigut ingerlatseqatigiiffiup piiaanissamut akuersissummik qinnuteqaataa ingerlasoq pillugu suliap ingerlanerata ingerlaqqinnissaa oqallisigineqarpoq. Ulloq 9. februar ataatsimiinnermi ataani atsiortoq peqataavoq aammalu Greenland Minerals-ip isummaminnik aammalu suliap ingerlanerata ingerlaqqinnissaanut kissaatigisaminnik Naalakkersuisunut toqqaannartumik paasissutisseeqqinnissamut periarfissinneqarnissaa, taamatullu ataani atsiortup Naalakkersuisut politikkiannik ingerlatitseqqiinissaa, ataatsimiinnermi siunertaallutik.

**6. Naalakkersuisut nalilerpaat – avataaniit inatsisitigut naliliisoqarsimappat ilanngullugu – eqqartuussivimmuq tunniunneqarnissaaq ernumanartoqarsimanerani?**

**Akissut:** Naalakkersuisut naliliipput piiaanissamut akuersissut qinnutiginerartooq ingerlatseqatigiiffimmuq tunniunneqarsinnaanngitsoq. Allaffissornikkut aalajangiinnermi illuatungiusoq tamakkiisumik taparserneqanngikkaangat, suliakkiussinissaaq tamatigut aarlerinaataasarpoq.

**7. Naalakkersuisut Greenland Minerals danskit kammeradvokatianni ataatsimeeqatigisarnerat pillugu qanoq Inatsisartunut peqataatitsisimappat?**

**Akissut:** Inatsisartut Greenland Minerals-ip ataatsimeeqatigineqarnerini akuutinneqanngillat, tassami pisinnaatitsissummik pigisaqartup ilitersornissaa aammalu isumaliutersuutaasa oqallisiginissaaq, ataatsimiinnerni siunertaammata. Tamanna allaffissornikkut suliaasaavoq nalinginnaasoq, politikikkut aalajangiinertaqanngitsoq.

**8. Ataatsimiinnerit taamak ittunut Inatsisartut siunissami qanoq peqataatinneqassappat?**

**Akissut:** Ataatsimiinnerit ingerlanneqareersut pillugit Inatsisartuni ataatsimiittitalianut attuumassuteqartunut ilisimatitsissuteqartoqassaaq. Aammattaaq Greenland Minerals-ip tungaaninit kissaatigineqartut imaluunniit aalajangiunneqartut malitsiginnaasaanik, Naalakkersuisut siunissami suliniutissanik nalilersuineranni nalilersuinerusinnaasuni Inatsisartuni ataatsimiittitaliat attuumassuteqartut akuutinneqassappat.

9. Naalakkersuisut pineqartumut allanik paasissutissiisinaanerluni?

**Akissut:** Naalakkersuisut allanik paasissutissiisutissaqanngillat.

Inussiarnersumik inuulluaqqusillunga



Naaja H. Nathanielsen